



*Prome Minister Mike Eman:*

## RCA a inaugura mini cancha di futbol cu yerba artificial

RCA, a splica cu ta trata di un cancha di 40 pa 20 meter, specialmente pa muchanan chikito cu ta hunga den un formato di 8 contra 8, mientras cu den e grupo mas grandi ta hunga den formato di 5 contra 5.

Acosta a splica cu e cancha aki por haci bon uzo di dje y a constata caba cu tanten cu e club ta habri, e cancha aki ta continuamente den uzo door di hobennan.

Realisacion di e cancha aki cu yerba artificial a wordo logra principalmente danki na cooperacion di e miembronan cu a hinca hopi di nan tempo pa yuda den su construccion y naturalmente donacionnan cu a ricibi, manera e tubonan di e hekinan cu tin rond di e cancha cual tabata un donacion di ASU. E tubonan tabata di Joe Laveist Sport Park.

Ditto Acosta ta trahando hopi cerca cu Prome Minister Mike Eman y su vision pa construi e mini canchanan di futbol, pero cu yerba artificial, den barionan di Aruba. E idea tras di e veldnan di Mike ta pa trece e hobennan di e bario hunto y haci practicanan sano, den futuro yudando otro hobennan di e bario pa keda leu di e mundo di criminalidad. Siguiendo



cu e vision di Mike Eman, como Presidente di RCA Acosta a implementa e ideanan aki den su organisacion y awe por mira e resultado.

Como un organisacion cu tin rond di 150 mucha miembro, a dicidi caba cu den futuro lo construi un di dos cancha di futbol na otro banda di e veld

di bala principal. Di e forma aki ta cumpli cu e demanda y contribui pa crea hobennan sano pa futuro di Aruba. RCA ta e unico organisacion cu tin dos team den tur e categorianan di LIFIDA.

Tin plannan grandi pa RCA y esaki ta inclui un renobacion amplia di tur instalacionnan

cu ta basta bieu y ta spera cu esaki por wordo logra den un tempo relativamente cortico. Acosta a gradici Prome Minister Eman pa su presencia na RCA demostrando asina su apoyo na e organisacion deportivo y a desea e mandatario tur clase di exito cu e veldnan cu e kier logra construi rond Aruba. □

**ORANJESTAD** – Tabata un orguyo grandi pa Sportvereniging RCA pa inaugura e cancha aki cu a wordo realisa cu esfuerso di su propio miembronan, manera Eric Gomez, na kende e cancha a wordo dedica.

Esaki tabata debi na e trabounan incansabel cu el a haci cu e cancha aki awor a bira realidad. Prome Minister Mike Eman tabata presente na e ceremonia di inauguracion y a sigui esaki cu un orguyo grandi, mirando cu tras di e proyecto aki tin e mesun meta di Gabinete Mike Eman I y II pa hiba diferente di e tipo di e canchanan aki den barionan rond Aruba.

Ditto Acosta, Presidente di e organisacion deportivo